



Broj: 03-50-303-3/24  
Sarajevo, 13.03.2024.godine

Na osnovu člana 18. Pravilnika o organizaciji i radu Udruženja međunarodnih cestovnih prijevoznika tereta, Odbor Udruženja međunarodnih cestovnih prijevoznika tereta na 106. elektronskoj sjednici, razmatrajući akt Ministarstva komunikacija i transporta Bosne i Hercegovine o održavanju sastanka Mješovite komisije za transport između delegacija Bosne i Hercegovine i Ukrajine usvojio je sljedeći:

## ZAKLJUČAK

### I

Odbor Udruženja predlaže da se zadrži postojeći režim obavljanja prijevoza tereta između Bosne i Hercegovine i Ukrajine, tj. postojanje kvota dozvola za bilateralno-tranzitni i dozvola za prijevoz tereta u/iz trećih država.

## OBRAZLOŽENJE

Odbor Udruženja prilikom donošenja ovakvog zaključka je imao u vidu nekoliko činjenica:

- da su prisutni protesti prijevoznika u državama članicama Europske unije zbog omogućavanja liberalizacije pristupa tržištu prijevoznicima iz Ukrajine, što je izazivalo i blokade graničnih prijelaza sa Ukrajinom,
- da kontrole stranih prijevoznika u Bosni i Hercegovini nisu odgovarajuće,
- da bi nekontrolirano prisustvo stranih prijevoznika ugrozilo ionako teško stanje u međunarodnom cestovnom prijevozu tereta u Bosni i Hercegovini,
- da bosanskohercegovački prijevoznici obavljaju međunarodni prijevoz tereta sa svim državama članicama Europske unije u režimu bilateralno-tranzitnih dozvola, uz izuzetke Slovenije, Hrvatske i Mađarske, a da sa većinom država članica Europske unije ne može obavljati prijevoze u/iz trećih država (ili između država članica Europske unije) bez posjedovanja odgovarajuće CEMT dozvole.
- da bosanskohercegovački prijevoznici obavljaju međunarodni prijevoz tereta u uvjetima nedostatka vozačkog kadra i istovremeno sve teže podnošljivim ograničenjem boravka vozača na teritoriji Europske unije (ukupno do 90 dana u bilo kojem razdoblju od 180 dana).
- da nema prohodnosti propisa u Bosni i Hercegovini iz oblasti međunarodnog prijevoza, koji bi ne samo uređivali ovu oblast u skladu sa potrebama poslovne zajednice, nego i usklađivali legislativu sa aktuelnom međunarodnom legislativom, koju prijevoznici moraju poštivati odmah po prelasku granice Bosne i Hercegovine.

### II

Traži se od Sektora za transport i komunikacije Vanjskotrgovinske komore Bosne i Hercegovine da u skladu sa aktima Vanjskotrgovinske komore Bosne i Hercegovine, osigura dostavljanje odgovora Ministarstvu komunikacija i transporta Bosne i Hercegovine, temeljem ovog Zaključka i datog obrazloženja.

Predsjedavajući sjednicom Odbora:

Emir Horozović